



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
ՈՐՈՇՈՒՄ**

29 հունիսի 2016 թվականի №197Ս  
ք.Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ 2009 ԹՎԱԿԱՆԻ ԴԵԿՏԵՄԲԵՐԻ 2-Ի №771Ս ՈՐՈՇՄԱՆ ՄԵՋ  
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով «Էներգետիկայի մասին» Հայաստանի Հանրապետության օրենքի 30-րդ հոդվածի 1-ին կետը, «Իրավական ակտերի մասին» Հայաստանի Հանրապետության օրենքի 70-րդ հոդվածի 1-ին մասը, Հայաստանի Հանրապետության հանրային ծառայությունները կարգավորող հանձնաժողովի 2013 թվականի նոյեմբերի 1-ի №374Ն որոշմամբ հաստատված՝ Էներգետիկայի բնագավառում գործունեության լիցենզավորման կարգը և հաշվի առնելով «ՄԵԿՏՈՐ ՔՎԱՆՏ» սահմանափակ պատասխանատվությամբ ընկերության 2016 թվականի մայիսի 30-ի գրությունը՝ Հայաստանի Հանրապետության հանրային ծառայությունները կարգավորող հանձնաժողովը որոշում է.

1. Հայաստանի Հանրապետության հանրային ծառայությունները կարգավորող հանձնաժողովի 2009 թվականի դեկտեմբերի 2-ի «ՄԵԿՏՈՐ ՔՎԱՆՏ» սահմանափակ պատասխանատվությամբ ընկերությանը «Ձորագյուղ-3» փոքր հիդրոէլեկտրակայանում էլեկտրական էներգիայի (հզորության) արտադրության լիցենզիա տրամադրելու մասին» №771Ս որոշման՝

1) 1-ին կետում «Ձորագյուղ համայնքում կառուցված ոռոգման ջրատարի վրա «Ձորագյուղ-3» փոքր հիդրոէլեկտրակայանում» բառերը փոխարինել «Ձորագյուղ համայնքի վարչական տարածքում՝ Ձորագյուղ գետի անանուն վտակի վրա կառուցված «Ձորագյուղ-3» փոքր հիդրոէլեկտրակայանում (բնական ջրահոսք)» բառերով.

2) 2-րդ կետով հաստատված «ՄԵԿՏՈՐ ՔՎԱՆՏ» սահմանափակ պատասխանատվությամբ ընկերության «Ձորագյուղ-3» փոքր հիդրոէլեկտրակայանում

Էլեկտրական էներգիայի (հզորության) արտադրության №0339 լիցենզիայի պայմանների՝

ա. 3-րդ կետի 1-ին ենթակետը շարադրել հետևյալ խմբագրությամբ.

«1) 2015 թվականի դեկտեմբերի 23-ից մինչև 2016 թվականի հունիսի 29-ը վերակառուցման ժամանակահատվածն է,»:

բ. 5-րդ, 6-րդ և 9-րդ կետերը շարադրել հետևյալ խմբագրությամբ.

«5. Լիցենզավորված գործունեության աշխարհագրական տարածքը Հայաստանի Հանրապետության Գեղարքունիքի մարզի Ձորագյուղ համայնքն է՝ Ձորագյուղ գետի անանուն վտակի վրա (բնական ջրահոսք):

6. Լիցենզիան ուժի մեջ մտնելու պահից Լիցենզավորված անձին իրավունք է տրվում և պարտավորեցվում է 610 կՎտ հաշվարկային հզորությամբ «Ձորագյուղ-3» փոքր հիդրոէլեկտրակայանում արտադրել էլեկտրական էներգիա (հզորություն) ու այն վաճառել Շուկայի կանոններով:»:

«9. «Ձորագյուղ-3» փոքր հիդրոէլեկտրակայանի փաստացի տեղակայված հզորությունը 610 կՎտ է, իսկ էլեկտրական էներգիայի արտադրության գործունեությունն իրականացվում է հետևյալ սարքավորումներով՝

- 1) հիդրոտուրբին №1՝ P-340/320, 340 կՎտ, 2009թ.,
- 2) գեներատոր №1՝ ԿԴ-2-350, 350 կՎտ, 2009թ.,
- 3) հիդրոտուրբին №2՝ P-270/275, 270 կՎտ, 2009թ.,
- 4) գեներատոր №2՝ ԿԴ-2-300, 300 կՎտ, 2009թ.:»:

2. «Առէկսիմբանկ-Գազպրոմբանկի խումբ» փակ բաժնետիրական ընկերությանն ազատել «Մարտունի» մասնաձյուղի 2015 թվականի դեկտեմբերի 16-ի №ՎԲ02/155 գրությամբ ներկայացված բանկային երաշխիքի համաձայն Հայաստանի Հանրապետության հանրային ծառայությունները կարգավորող հանձնաժողովի առջև «Ձորագյուղ-3» փոքր հիդրոէլեկտրակայանի վերակառուցման համար ստանձնած ութ հարյուր քառասուն հազար դրամ երաշխիքային պարտավորությունից:

3. Սույն որոշումն ուժի մեջ է մտնում ստորագրման պահից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀ՝



Ռ. ՆԱԶԱՐՅԱՆ